

BIBLIOTEKA

Zakł. Nar. im. Ossolińskich

XVI

9510


*Victoria, Oder Seyttungen et.*

1587.




VIII. H. 41<sup>12</sup> / -











VICTORIA,

17:10  
17  
Oder Zeyttungen / so  
die Christen den 22. Augusti /  
Anno 87. Inn Ungern bey Kaiserlach / glücklich mit Gottes hilff dem Türcken aberhalten /  
Dergleichen bey Manns gedencken nie er-  
hört oder geschehen ist.



Anno Domini M. D. LXXXVII.

*Handwritten signature and date: 1708*

*Handwritten text: 1708*





XVI.O. 9510



Auß Wienn vom XXvij. Au-  
gusti/ Anno 1587.



Dagewisser zeit-  
ung Schreybe ich  
Euch / das unsere  
Kriegsleüt in Un-  
gern : Als fürnem-  
ich H. E. R. Graff  
von Seruin / mit sei-  
nem vndergebne-  
Kriegsuolet / Herz  
Nadafti / Herz Budian / etliche von der Ritters-  
schafft von Raab / vnd die Reitter von Carlen-  
statt den 21. tag Augusti / mit dem Türcken /  
Welcher vber ein Gewässer inn unserm Landt /  
mit etlich Taussent vbergeset / vnnnd vorha-  
bens das Landt theyls züuerderben / geschla-  
gen / vnnnd der Feinde durch Göttliche vermit-  
lung / so gar auffss Haupte erlegt / das nicht al-  
lein 1000. lebendige Türcken gefangen / Item  
A ij inn



inn 800. Köpff/ vnd bis in 1200. Köpff bekom-  
men/ Sonder auch drey Begen/ oder Hauptob-  
ersten/ Als der Beg von Fünffkirchen / vnd  
Capan gefangen/ vnd der dritt Beg zu Moschitz  
mit sampt des Beegs von Sigeths Brüder/ ny-  
der gehawen worden / Solche Victoria/ der-  
gleichen bey Mannsgedencken in Vngern nicht  
geschehen (aufferhalb eines offentlichen Kriegs)  
Hat solches ansehen/ als ob Gott selbst Leyb-  
hafftig/ mit seiner Handt den Feindt erlegt het-  
te/ Sie sein von den vnseren / gleich als in einer  
Maschen oder Garn gefangen worden.

Man findet der Türcken täglich mehr / die  
sich hin vnd wider verihret/ vnd in dem sumpf-  
figen gemöß Wasser / bey dem dieser Scharz-  
mügel geschehen/ verstecket haben/ daher man  
noch gar nicht die richtige Anzahl / des eroberten  
Sigs / schreyben oder wissen kan.

Der Beeg vom Sigeth Tschallauern / so  
auch ein Bascha/ ist ein häfftiger verfolger der  
Christen / vnd fürnembster Kriegsmann dieser  
zeyt auff vnseren gegen Gränzen / der ist noch  
mit



mit anheimlich (als man Zeytungen hat) kome  
men/vnd wieman waist/ist Er hardt verwun-  
det / sein Zeybroß / vnnnd Zeybiungen gefangen/  
Ihme seind auch alle Päß verlegt / vnd da Er  
nit an dem empfangenen wundschaden gar ge-  
storben/so verhofft man Ihn noch in dem Ca-  
nischischen Waldt / alda Er aller vermüttung  
wach/ sich auffhalten mäß zufinden.

Die gründliche particularitet / so güt ichs  
hernach bekomme/ will ich euch auch zusenden/  
Dieses aber / so ich euch jezundt schreybe / ist ge-  
wis / vnd mügts käcklich anderen fürwachtastig  
sagen vnd anzeygen.

Auff den 7. tag Septemb: Ist Ir S. D. Erz-  
herzog Maximilian auß Oesterreich/ Nech er-  
wölter König inn Polln / zu Wien starck vnnnd  
Stattlich nach Breslaw vnd Olmiz außgerit-  
ten/ an deren örter eins / sollen auch etliche Pol-  
nischen Herren zusamen kommen/ vnd das Iura-  
mentum regni, von Ihr S. D. auffnehmen/ vnnnd

2 iij nach



nachfolgende Ihn nach Polln zu der Königl-  
lichen Residentz beglaytten/ Ihr Kay: May:  
haben Ir f. D. 3. schöner Pferdt geschenckt.

Der Moscawitter/ als ein Nachbaur des  
selben Königreichs/ hat sich gegen Ir f. D. an-  
gebotten/ mit Geldt/ Kriegsvolck vnd anderen  
zu dienen/ vnnnd verhilfflich zusein/ gegen dem  
Schweden seinem Erbfeindt/ also nendt er Ihn.

Es hat sich auch der Hauptmann auff dem  
Königlichen Schloß Crackhaw / vnderthenig  
anerpotten/ Ir f. D. dasselbig / sampt der Kö-  
niglichen Kron zu oberantworten/ Also das  
züuerhoffen/ das alles freydlich vnd glück-  
lich seinen endtlichen furtgang be-  
kommen werde/

Amen.








Gedruckt zu Augspurg / bey Josias  
Wörlij bey dem heyligen Creütz / hin  
der dem Predighaus / inn sanct Otmar-  
gassen / im Jar 1587.







Geleidelich in der Ordnung  
der Bücher zu stehen  
und die Handschriften  
zu erhalten





